

大寶積經

第四十六

七十七  
鳥六

47554



元祿九年丙子二月日重脩

皇圖鞏固 帝階綴昌

佛日增輝 懋容輪常轉

山城州天安寺法金剛院院置



Vertical text on the right edge of the page

大寶積經卷第四十六

大唐三藏法師

玄奘奉

詔譯

菩薩藏會第十二之十二

毗利耶波羅蜜多品第九之二



復次舍利子當來之世法欲滅時復有菩薩摩訶薩安住大乘行毗利耶波羅蜜多者見

如是等諸惡衆生誹謗毀滅是正法已倍增振發勇猛正勤大精進力於是經典大菩薩藏微妙法門懇勤聽受書持讀誦廣為他人開示演說舍利子如是菩薩摩訶薩當於念時應起四想何等為四舍利子所謂我父寶藏不久當滅由為此故佛薄伽梵釋迦牟尼

如來應正等覺於百千那庾多拘胝無數大劫精勤修習難行苦行方乃獲是正法寶藏是故我當發勤精進奉持此藏遍持此藏極當遍持廣通此藏欲令法寶久不滅故舍利子譬言如有人唯有一子憐念愛重具大福相觀無厭足是人後時欲有所趣而携此子將涉危難恐顛墜故以手執持又等遍持極等遍持勿令我子墮險難處如是舍利子彼善男子亦復如是深懷奉信敬重於我不捨如是無上法寶志恒希求清淨寂滅雖經惡世而能攝受最勝正法舍利子我今以此菩提因緣無上正法付囑是人又舍利子譬言如世

間大軍戰時少有衆生爲護衆故處於前陣  
唯有果敢雄猛丈夫合率驍勇抗拒勅敵爲  
護己衆處大軍前振威而住如是舍利子於  
當來世正法滅時壞正法者當現前時有諸  
衆生發起深心欣樂寂滅而能於是無上法  
寶乃至受持持少分要義當知是人亦復如是  
被於正勤堅固甲冑奮發勇猛大精進力摧  
碎諸魔所有軍陣何以故舍利子若有衆生  
於是經典乃至受持一四句頌不生誹謗隨  
喜讚歎言此經典真是佛說於多人前廣宣  
顯示者當知是人即爲隨喜讚說去來現在  
諸佛所說經法舍利子如來不說是人但得

少分功德果報我說是人乃能成就如虛空  
量大功德聚何以故舍利子我說是等名為  
善人如是善人甚為難得謂知恩者及報恩  
者舍利子如是知恩及報恩者當知是為人  
中珍寶又舍利子於當來世正法滅時諸惡  
魔等威勢現時若有衆生於如來所信重不  
捨受持是經無有遠離我說是人第一丈夫  
為善丈夫為勝丈夫為健丈夫為大丈夫當知  
是人則為如來勝法明後非為詐現朋惡黨  
者當知是人行實行者如是舍利子菩薩摩  
訶薩應當修習堅固正行乃至命終中無暫  
廢於諸佛所當勤衛護乃至命終中無暫廢

於正法所當勤攝受乃至命終中無暫廢甚  
深空法當勤信解乃至命終中無暫廢舍利  
子是爲菩薩摩訶薩於後惡世所起四法若  
有成就如是四法菩薩摩訶薩於當來世法  
欲盡時謗正法時滅正法時犯戒徒黨大強  
盛時熾然追求順世外道惡呪術時劫濁亂  
時有情濁時壽命濁時煩惱濁時諸見濁時  
菩薩摩訶薩當於今時應住三處而爲依止  
何等爲三所謂應住阿蘭若處應住諍息滅  
處應住佛菩提處舍利子是爲菩薩摩訶薩  
當來惡世住於三處應如是持是則具足毗  
利耶波羅蜜多故今時世尊欲重宣此義而

說頌曰

於最勝法不遠離

常勤精進無妄念

若有於是善說法

當知我為彼大師

若不聽聞如是法

是人當趣諸惡道

百千拘胝那庾劫

雖復暫遇不親奉

復次舍利子乃往過去九十一劫當於余時

有佛出世名曰勝觀如來應正等覺明行圓

滿善逝世間解無上丈夫善調御士天人師

為盡生老病死苦

當速成就自他利

聞已安住正思惟

彼則是我真弟子

設聞不住正思惟

猶彼眾流歸大海

諸佛出現甚為難

當隨惡魔自在轉



佛薄伽梵舍利子彼佛法中有六苾芻徒諸  
惡行恒相隨逐一名善見二名善樂三名歡  
喜四名調善五名蘇逾遮六名火天授舍利  
子是六苾芻恒說非法有我有常有常有斷  
結固周旋更相信任趣深隱所同共謀議我  
等應當各各誘化人別百家用為徒黨又今  
百家傳告眷屬如是展轉親姻傳告或當至  
於五十百等作是議已便往教化若村若城  
郊野店肆或至王都及餘邦國一一諸家悉  
皆往趣既到彼已不說正法於佛世尊先行  
毀謗舍利子彼惡苾芻云何毀謗舍利子諸  
惡苾芻告衆人言世間決定有我有衆生有

壽命者有數取者若諸世間定無有我及諸  
法者誰去誰來誰坐誰卧誰語誰默誰能行  
施誰是所受誰能受用誰受苦樂誰有能受  
不苦不樂若有人來語汝等言世間決定無  
我無衆生無壽命者無數取者當知是人爲  
女等悲非汝善友舍利子尔時諸惡苾芻重  
更誘化婦人丈夫及以男女作如是言若有  
人說無我等法當知其入爲不善者爲暴惡  
者是汝惡友非汝善友復更化言汝等諸人  
是聰慧者深能領解我所說義自今已往若  
諸惡友非善友來當爲汝說世間決定無我  
等法汝等不應輒相親昵交願往還承事供

養舍利子諸惡苾芻行如是化於半月間人  
各誘得滿五百家歸從其見舍利子亦時有  
諸苾芻是阿羅漢永離一切煩惱垢穢而是  
勝觀如來應正等覺真實弟子為乞食等諸  
因緣故詣彼諸惡苾芻所化之家暫至其門  
便為婦人丈夫及諸男女所共毀罵非理訶  
責以廉惡言面陳挫辱為諸苾芻而說頌曰  
汝等不能知正法  
汝等迷失於聖道  
汝等退捨於淨教  
汝等皆當墮地獄  
舍利子彼諸人等說是語已於阿羅漢倍更  
訶罵既訶罵已復以種種言詞而罵於佛即  
於佛前說伽陀曰

如來所說法虛妄  
又說諸法皆無我  
諸行都無有堅實  
所說空花無所有

舍利子彼諸人等說如是語輕毀佛已倍增  
憤恚又於佛前說伽陀曰

如來所說一切法  
無有壽命無數取  
而今現見諸世間  
并餘種種受用人  
當知宣說定無我  
舍利子當尔之時諸不善人同聲說是非法

所謂諸行悉無常  
及以無恒無不變  
皆為虛偽忘失法  
但能誑惑彼愚夫  
決定無我無衆生  
亦無作者及受者  
有能行施及所受  
及覺廣大諸受等  
一切皆應墮惡道

語者大小男女有六十八拘胝千衆生皆惡  
苾芻所化導故行是惡業彼命終已同生無  
間大地獄中受身鱗大魚形人首其舌長廣  
弥布於地周遍下釘如殖薑田又於舌上衆  
多鐵犁常以耕之彼一一身又爲一百極惡  
商佞之所啜食又於空中大熱鐵丸猛焰赫  
然光色熾盛從空而墮常雨其身是諸罪人  
以惡業故受如是等種種楚毒尔時世尊欲  
重宣此義而說頌曰

鐵丸猛焰如飛電  
常於其身而墮墜  
又於身內遍流轉

可畏無量百千種  
熾然恒受種種苦  
炎熾猛盛難逢近

騰焰高踊百由旬

流火遍出身毛孔

又彼衆生一一舌

盡爲無量鐵犁耕

一切舌分皆分裂

如是苦受恒纏繞

斯由親近惡友已

能感如斯大苦聚

又由遠離具戒者

致令速墮於惡道

舍利子時彼非法六惡苾芻由惡教故命終

之後皆生阿毗大地獄中一一受身縱廣等

量三十踰繕那彼一一身皆生千口二口中

各生二舌是一一舌廣長量等四踰繕那一

一舌上有五百鐵犁鐵牛挽之以耕其舌是

諸罪人雖受苦痛大苦逼故不遑號叫又於

頭上各有萬億獄卒手執害具刀鋸矛稍斫

刺破裂壞其身首在此獄中壽萬億歲如是  
展轉復往諸餘大地獄中具受辛酸種種苦  
楚何以故由彼瞋毀佛聖教故舍利子當於  
尔時有大長者名曰安隱財富無量資產具  
足多諸珍寶金銀琉璃珊瑚末尼真珠貝玉  
無不備有又多僕使奴婢財穀庫藏皆悉盈  
滿是時長者為惡苾芻之所教化既受其語  
生於斷見長者有妻名為焰慧容色威美為  
人所重彼生一男形貌端嚴眾覩無厭成就  
第一圓滿淨色曾於過去無量百千那庾多  
拘胝佛所植諸善本當初生時三返微笑又  
發是言奇哉奇哉云何今者生斷見家其母

聞已驚焉恐惶懼身毛為豎與諸女人棄之逃  
避舍利子時諸女人欲審悉故還來近住觀  
察是見為何等類天耶龍耶為藥又耶為健  
達縛為阿素洛為揭路荼為緊捺洛為牟呼  
洛伽為究槃荼為畢舍遮人非人耶舍利子  
時此嬰兒再發是言告諸女曰汝雖怖走我  
甚安樂時此嬰兒為諸女人而說頌曰  
汝當樂義利 於義利勿怖 我當度汝等  
令脫於邪道 汝女隱勿怖 應怖前惡友  
我當度汝等 今脫於邪見  
舍利子時彼父母及餘大眾聞言是嬰兒說伽他  
已便往見所是時嬰兒為其父母而說頌曰



家中凡所有 廣大諸財穀 速持來見與

供佛及聲聞 彼大聲聞眾 照世勝觀尊

三界圍輪中 都無與等者 彼大聲聞眾

照世勝觀尊 廣闡揚妙法 利益諸群品

彼大聲聞眾 照世勝觀尊 身具三十二

大丈夫威相 彼佛聲聞眾 猶如烏曇華

名稱甚難聞 過億拘胝劫

舍利子時見父母聞是法已即取家中二十

拘胝上妙財寶將至見所而語之言此諸財寶

是汝父母所有之物汝當取之隨汝志意生信

之所任持奉施今時父母即為是見而說頌曰

此是汝父母 所致諸財寶 隨心所敬信

汝當持布施 若金若珍寶 家中甚豐積

隨心所敬信 汝當持速施 衣服坐卧具

花鬘及塗香 隨心所敬信 汝持歡喜施

於佛及法僧 無上福田所 為利諸群生

當應行布施

舍利子 尔時嬰兒聞其父母所說頌已復為

父母而說頌曰

我今往勝觀 世間依怙所 當廣設供養

為利群生故 諸有欲希求 天上人中樂

應隨我所詣 勝觀如來所

舍利子 尔時嬰兒以念正知觀視四方白父

母曰 父母當知我今應往薄伽梵勝觀如來

應正等覺所於是衆人間是語已皆大驚愕  
云何嬰兒當初生日便能與人往返言議又  
能徒步有所造詣時有八万四千衆生聞是  
奇異皆來雲集而作是言我等當觀此嬰兒  
者是何等類爲天爲龍爲藥義耶乃至爲畢  
舍遮人非人耶舍利子尔時嬰兒與諸大衆  
八万四千前後圍遶往詣勝觀如來所止之  
處當此嬰兒往佛所時以福德力恐爲風日  
所損弊故於上空中十千寶蓋自然而現用  
覆其身又於嬰兒所由之路虚空之中羅布  
金網雨上妙花及細末香超勝諸天常所散  
香扇清涼風與天香合周流飄散相續不斷

虛空諸天又於行路以諸香水而用灑之覆以金羅種種瓊服又彼諸天雨花布道光采相曜積齊于膝於其道側無量百千清淨池沼自然出現八功德水具足盈滿生諸妙花所謂殞鉢羅花鉢特摩花拘質陁花奔荼利花含發鮮榮彌滿池內又有鳧鴈鴛鴦異類衆鳥遊戲水上舍利子時彼嬰兒所由之路七寶欄楯以界道側諸天伎樂具無量千深遠妙音自然而發左右寶樹行列莊嚴於大道中復施花路現於身前爲供養故以待嬰兒遊履其上於其花路承步諸花舉足之時自然隱沒及將下足花便踊現今時嬰兒見遊此花

道經須臾頃即便迴顧觀諸大眾說伽他曰  
汝等無理不應行 異我此路餘非理  
而我常遊此正理 故往有理最勝處  
超過無量那庾劫 時復一福遇人身  
時有一佛出世間 時勤修得淨信慧  
舍利子尔時嬰兒為諸大眾說伽他已於虛  
空中有八万四千諸大天子同聲讚言善哉  
善哉便說伽他讚嬰兒曰 汝所宣說會正理  
善哉善哉大智慧 有正理者當前趣  
仁者後願為無理 舍利子尔時嬰兒又以伽他報諸天曰  
汝諸天等所宣說 有理無理之正言

我今問汝汝當答

有理無理之實義

舍利子尔時諸天復以伽他報嬰兒曰

若樂欲住諸財寶

不樂出離所行處

如是無理諸凡愚

安住地獄之前道

若樂捨家趣非家

當應捨欲棄財寶

是人於世有正理

不久便開解脫門

舍利子尔時嬰兒復以伽他報諸天曰

如汝所說理無理

觀汝全未能明曉

如有有理無理義

我深於此正開悟

舍利子尔時嬰兒說是語已即便前進趣薄

伽梵毗鉢尸如來應正等覺大會之所既到

彼已頂禮佛足右遶三匝却住一面於薄伽

梵勝觀如來深生敬仰即以伽他而讚頌曰  
常行利益諸世間  
如大龍象大師子  
世間明照甚難得  
為世依怙作光明  
世間衆苦所逼迫  
踰越正路而逃迸  
願我此世當成佛  
當拔衆生無量苦  
如是無邊百千衆  
唯願演宣微妙法  
舍利子尔時嬰兒說是頌已白勝觀如來應

勝觀三明施甘露  
由是我今常敬礼  
猶如烏曇跋羅花  
形色微妙甚圓具  
不能了知真聖道  
譬等生盲處於世  
如今勝觀人中尊  
及救三火燒然者  
皆隨我來至於此  
悉令安住上菩提

正等覺言世尊願我來世於此世間當成如  
來應正等覺為諸衆生顯揚正法亦如今者  
勝觀如來為諸大衆廣說妙法尔時會中有  
八万四千衆生復白勝觀如來言世尊我等  
亦願於當來世得成如來應正等覺為衆生  
故顯揚正法亦如今者勝觀如來等無有異  
余時勝觀如來應正等覺了知如是八万四  
千人增上意已即便微笑舍利子諸佛法尔  
於微笑時有種種光青黃赤白紅頗胝色從  
佛面門自然而發遍照無量無邊佛之世界  
上至梵世映蔽一切日月光明其光遍照所  
應作已而復還來右遶勝觀如來百千匝已



從薄伽梵頂髻而入舍利子尔時勝觀如來  
有一侍者覩佛神變現微笑已從坐而起偏  
覆左肩以右膝輪安處于地向佛合掌曲躬  
禮敬即於佛前以頌問曰

我今問佛勝觀尊

端嚴希有生眾喜

可等日月緣大善逝

見發妙笑世間依

兩足世尊現微笑

其相非無有因緣

願演微笑因緣本

利益世間悲愍故

今有百千拘胝眾

現任牟尼世尊前

攝耳專注樂聽聞

願世間依愍眾說

佛為一切眾生眼

為舍為救為歸趣

能斷眾生諸有疑

憐愍世間利益者

如來善知諸過去  
於一切法不生疑  
遍智法王論自在  
我今請問世間依  
佛能永斷他疑網  
八音暢宣微妙法  
我心喜踊難陳說  
敢問法王大聖尊  
舍利子今時勝觀如來應正等覺告侍者曰  
苾芻汝今見是嬰兒在戔前不對曰唯然我  
今已見勝觀佛言此嬰兒者往咎過去世曾於  
六十四拘胝那度多百千佛所供養恭敬尊

又能通達彼未來  
及以現在諸佛土  
出過三世妙如來  
何等因緣現微笑  
於一切法自無疑  
善拔衆生憂毒箭  
合十指掌懷恭敬  
何等因緣現微笑

重讚歎以諸衣服飲食卧具病緣醫藥及餘  
資物持用奉施彼諸佛已為欲趣向三菩提  
故又於過去十那庾多佛所修行梵行迴向  
阿耨多羅三藐三菩提苾芻當知今是嬰兒  
所將大衆八万四千於過去世並是嬰兒本  
生父母何以故此嬰兒者曾於過去發如是  
願願我經生在在處處所有父母皆令安住  
於佛菩提又令諸母更無第二再受女身由  
是願故彼諸衆生至于今日隨逐嬰兒來至  
我所又隨修學發於無上正等覺心尔時勝  
觀如來欲重宣此義為侍者苾芻而說是頌  
苾芻當觀此嬰兒  
及現前任多千衆

其心踊躍發誠言  
當知曾於過去生  
恭敬供養大導師  
於十那庾諸佛所  
常行最勝之所行  
汝觀八万四千衆  
曾於久遠過去世  
又此嬰兒曾發願  
普令安住上正覺  
彼皆隨學嬰兒行  
今我皆當授彼記  
由此因緣現微笑

願我當來如法王  
如上數量諸佛所  
利益天人出閻者  
依佛捨家持正法  
爲求無上菩提故  
今現皆住如來前  
悉是嬰兒之父母  
諸有生身父母者  
更不重受女人身  
發菩提心於我所  
方將爲出兩足尊  
彼皆勝行我能知

及以未來諸所作  
諸天龍神及人等

當證人中大聖主

聞佛為彼授記已

於勝觀尊生大喜

舍利子余時嬰兒聞佛授記心生歡喜踊躍

無量悅意泰然得未由有速疾往詣其父母

所說伽他曰 如是名千眾 我前生父母

皆已住菩提 父母心何趣

舍利子余時父母復以伽他報其子曰

如子志所趣 我心亦如是 當成一切智

此決定無疑 子已生我家 願後勿相捨

常當憶念我 今速證菩提

舍利子余時嬰兒復以伽他報父母曰

我諸所化導 皆願先成佛 最後我當成  
照世人調御

舍利子汝今當觀彼過去世勝觀如來法中  
嬰兒者豈異人乎勿作餘疑今大自在天子  
是也從是已後又經拘胝那庾多劫更不退  
墮過是劫後生轉輪王王種族中彼當來父  
号曰名稱如我今父淨飯大王彼當來母号  
曰離暗如我今母摩訶摩耶彼當來子号曰  
無憂如我今子羅睺羅舍利子彼既出家  
悟菩提已得成爲佛名曰大悲如來應正等  
覺十号具足其佛壽量滿百千拘胝歲佛身  
常光遍照所及十踰繕那佛說法處大會充

滿百踰繕那大悲如來處世教化爲度聲聞  
三會說法第一大會度諸弟子有百拘胝第  
二大會度諸弟子有那庾多拘胝第三大會  
度諸弟子有百千那庾多拘胝舍利子其弟  
子中滿一拘胝皆是大阿羅漢諸漏已盡無  
復煩惱得自在慧具八解脫成就靜慮及六  
神通舍利子大悲如來所度聲聞阿羅漢衆  
如上所說三會數量彼菩薩衆其數亦等皆  
是往世所生父母彼佛世尊宣說妙法利益  
無數諸衆生已然後涅槃佛滅度後正法任  
世滿拘胝歲分布舍利饒益衆生亦如我今  
般涅槃後流布供養等無有異舍利子安住

正勤菩薩摩訶薩亦復如是修行毗利耶波羅蜜多時為求阿耨多羅三藐三菩提故能於是經修行正行倍增振發勇猛正勤大精進力度脫無量諸衆生等我說是人爲善丈夫思覺觀察不倦不退勇猛精進明繫在心舍利子云何菩薩摩訶薩不倦精進舍利子菩薩摩訶薩爲衆生故求菩提時不應限以數量而有所求何以故菩薩摩訶薩不作是念於尔所劫我當流轉於尔所劫我不流轉以如是故菩薩尔時被難思鎧處於生死作是念言假使如我前際所經生死如是更受勤苦經於生死倍過前際爲求菩提中無懈



息舍利子菩薩摩訶薩具足如是堅固弘誓  
則名成就不倦精進復次舍利子菩薩摩訶  
薩云何修行勇猛精進舍利子假使三千大  
千世界滿中熾火發起勇猛正勤菩薩摩訶  
薩爲欲往覲彼如來故以精進力於是熾火  
從中而過不怯不退又舍利子勇猛正勤菩  
薩摩訶薩爲求聽聞大菩薩藏微妙法門故  
以精進力雖逢是火從中直過而無怯退又  
舍利子假使三千大千世界滿中熾火勇猛  
正勤菩薩摩訶薩爲欲宣說大菩薩藏深妙  
法故以精進力於是熾火從中直過而無怯  
退又舍利子假使三千大千世界滿中熾火

勇猛正勤菩薩摩訶薩為欲生起善根因緣  
以精進力於是熾火從中直過而無怯退又  
舍利子假使三千大千世界滿中熾火勇猛  
正勤菩薩摩訶薩為欲利益諸衆生故以精  
進力能於中過如是為欲令他得寂靜故得  
調伏故雖逢是火皆由中過而無怯退又舍  
利子發起勇猛不倦正勤菩薩摩訶薩為欲  
令他般涅槃故以精進力雖逢是火能於中  
過而無怯退舍利子是名菩薩摩訶薩修行  
毗利耶波羅蜜多勇猛之相復次舍利子發  
起勇猛不倦正勤菩薩摩訶薩行毗利耶波  
羅蜜多時由不懈倦堅固不退善根所發無

上大悲之所熏故恒發勇猛大精進力於諸  
衆生常行化導又舍利子如是發起勇猛不  
倦正勤菩薩摩訶薩於一切時舉足下足常  
不捨離大菩提心於佛法僧恒生珍敬繫念  
在前於諸衆生恒遍觀察爲利益故不欲令  
彼頹落勢力之所逼奪又舍利子發起勇猛  
不倦正勤菩薩摩訶薩所有已生諸妙善根  
一切迴向無上菩提今此善根畢竟無盡譬  
如少水投于大海乃至劫燒中無有盡舍利  
子菩薩摩訶薩亦復如是以諸善根迴向菩  
提亦無有盡是名菩薩摩訶薩勇猛不倦大  
精進力又舍利子勇猛不倦精進菩薩摩訶

陸以平等行積集善根於諸衆生起平等行  
積集善根爲欲引生一切智智積集善根爲  
欲利益諸衆生故積集善根舍利子如是無  
量諸大善根皆是菩薩摩訶薩勇猛無倦大  
精進力之所集起復次舍利子如是勇猛不  
倦正勤菩薩摩訶薩常應精進修學是法所  
得福聚無量無邊今當廣說福聚之相舍利  
子我觀世間一切衆生所有福聚無量無邊  
如是乃至一切有學無學所有福聚一切獨  
覺所有福聚轉復無量不可思議如上所有  
諸福聚等假使皆悉內置衆生一毛孔中如  
是衆生一一毛孔皆有如上福德之聚無量

無邊不可思議如是假使一切衆生一切毛孔所有福聚合集置一無關鍵會大法祠中舍利子如是法祠功德福聚倍增于百感得如來大丈夫身色相之一如是一一大丈夫相皆以如是功德所成如是一切如來身中大丈夫相所有福聚皆合成一眉間毫相如是入一眉間毫相福聚又過於此滿百千倍大功德聚合成如來頂上無能觀見烏瑟膩沙大丈夫相如是入一肉髻大功德聚又過於此滿於拘胝百千倍大功德聚合成如來大法商佉之相舍利子由此如來大法螺相無量種功德集成以如是故如來隨所意

次出大音聲遍告無量無邊一切世界為諸  
有情廣說妙法如其根性隨聞信解悉令歡  
喜何以故皆由精進所修學故舍利子菩薩  
摩訶薩應作是念如是無上正等菩提雖極  
難得我當不捨精進鎧甲發大勇猛必定速  
悟無上菩提不足為難既成佛已隨我意欲  
於法螺相出大音聲遍告無量無邊一切世  
界為諸衆生說微妙法隨根信解皆令歡喜  
舍利子是名菩薩摩訶薩勇猛無倦正勤之  
相復次舍利子勇猛無倦精進菩薩摩訶薩  
依毗利耶波羅蜜多故常應如是精進修學  
由修學故具足成就一切智慧舍利子假使

三千大千世界所有衆生一切成就隨信行  
智即用此智欲以比一成就隨法行智百分  
不及一千分不及一百千万分不及一僧佉  
分不及一迦羅分不及一伽拏那分不及一  
烏波摩分不及一烏波尼沙陀分不及一復  
次舍利子假使三千大千世界所有衆生一  
切成就隨法行智欲以比一第八人智百分  
不及一乃至烏波尼沙陀分不及一復次舍  
利子假使三千大千世界所有衆生一切成  
就第八人智欲以比一預流果智百分不及  
一乃至烏波尼沙陀分不及一復次舍利子  
假使三千大千世界所有衆生一切成就預

流果智欲以比一乃至一來向智如是一來  
果智乃至欲比不還果智如是乃至欲比阿  
羅漢智若獨覺智若過百劫菩薩智若成就  
不退轉菩薩智如是乃至欲比繫屬一生菩  
薩智皆應廣說無量無邊筭數譬喻所不能  
及如是舍利子假使十方無量無邊一切世  
界所有衆生皆悉成就繫屬一生菩薩之智  
欲比如來十力之一處非處智百分千分百  
千萬分不及一僧佉分不及一迦羅分不及  
一伽拏那分不及一烏波摩分不及一烏波  
尼沙陀分不及一乃至筭數譬喻所不能及  
舍利子是菩薩摩訶薩行毗利耶波羅蜜多



故聞如來如是甚深智解之時其心不驚無  
有怖畏於是智入生樂欲心發起正勤中無  
廢捨作如是念我今修行勇猛精進假使我  
身皮肉骨血筋脉髓腦皆悉枯燥爛壞無遺  
未得如來如是處非處智力已來於其中間  
發大勇猛堅固精進終無懈廢舍利子是名  
菩薩摩訶薩勇猛無倦正勤波羅蜜多堅固  
之相應如是學復次舍利子菩薩摩訶薩行  
毗利耶波羅蜜多故發大勇猛無倦正勤常  
應如是精進修學由修學故能滅衆生諸煩  
惱火舍利子假使一切衆生於過去世所有  
諸心皆入衆生一心中轉如是衆生一一諸

心乃至一切衆生一一各有餘所諸心無量  
繁雜難可了知如是一切衆生一一心中各  
具無量貪瞋癡等諸惑繁雜以此一切衆生  
所有煩惱皆入一衆生一心中轉舍利子假  
使展轉一切衆生皆具如是無量煩惱難可  
了知菩薩摩訶薩作如是念我當策勵勇猛  
發勤精進尋求如是智慧資糧隨我所發正  
勤之力於諸衆生貪瞋癡火及餘熱惱我要  
當令息滅無遺斬除毒害摧碎散壞同於灰  
燼速令衆生任涅槃道舍利子是名菩薩摩  
訶薩勇猛無倦正勤波羅蜜多應如是學復  
次舍利子菩薩摩訶薩依毗利耶波羅蜜多

故安任勇猛無倦精進常應如是正勤修學  
以修學故諸善身業無有休廢諸善語業無  
有休廢諸善心業無有休廢乃至所有一切  
正勤皆爲方便策進菩薩身語心業舍利子  
然諸世間但說菩薩身語二業精進第一不  
說菩薩心精進相舍利子菩薩摩訶薩心精  
進相無量無邊吾今略說何等名爲心精進  
相謂菩薩心修行正勤若進若止如是爲相  
舍利子云何名爲正勤進止舍利子菩薩修  
行大精進者爲菩提故勤行精進所言進者  
於諸衆生發起大悲所言止者謂無我忍所  
言進者攝諸衆生所言止者於法不取所言

進者生死無倦所言止者不得三界所言進者一切盡捨所言止者不馱布施所言進者攝取淨戒所言止者不馱尸羅所言進者堪忍衆苦所言止者心無毀壞所言進者起諸善法所言止者心常遠離所言進者攝受靜慮所言止者心常寂滅所言進者聞法無馱所言止者如理善巧所言進者聽說無倦所言止者無戲論法所言進者求慧資糧所言止者斷諸戲論所言進者增長梵信所言止者真知行捨所言進者具五神通所言止者遍知漏盡所言進者修諸念處所言止者念無功用所言進者正斷方便所言止者善惡

俱捨所言進者引發神足所言止者任運作  
用所言進者諸根善權所言止者觀非根性  
所言進者攝受諸力所言止者智無制伏所  
言進者生菩提分所言止者智簡擇法所言  
進者求道資糧所言止者無來往性所言進  
者求奢摩他所言止者心任寂止所言進者  
資助勝觀所言止者伺察法性所言進者隨  
覺諸因所言止者諸因遍智所言進者從他  
聞音所言止者如法修行所言進者謂身莊  
嚴所言止者謂法性身所言進者謂語莊嚴  
所言止者聖默然性所言進者信解脫門所  
言止者無有發起所言進者遠離四魔所言

止者捨煩惱習所言進者方便善巧所言止者觀察深慧所言進者觀察緣境所言止者無功用觀所言進者觀察假名所言止者了達實義舍利子諸如是等進止之相是名菩薩摩訶薩唯心精進若諸菩薩摩訶薩聞如是等心精進相應當發起勇猛無倦具足正勤舍利子如是名為菩薩摩訶薩修行正勤波羅蜜多無有厭倦勇猛精進修習之相

大寶積經卷第四十六

鳥

驍勇

上古堯反  
武健也

抗拒

上口浪反  
下音巨

勍敵

上巨京反  
強力

也甲冑

下直又反  
頭鎧也

奮發

上音巨  
振也

蘭若

下汝者  
反阿

寂靜處親昵日反挫辱反則商佞反此謂

貝唛食雜反子縱廣反足容挽牽一晚遑暇也斫

刺上音酌下辛酸官反蘇嬰兒盈反一驚愕各反吾


殞鉢骨上烏拘賀候反莫鳧鴈水上音扶攔楮下尹反時

也拘攔曇跋上徒舍反反關鍵二音法祠寺也音詞

也瑟膩反此音虱下頂髻二竿數字上筭筋脉斤表

籠膠字下腦枯燥下先也榮勵音上楚

也自強灰燼火之徐餘也



猪飼順良寄附



